

1. Inô din Nôvronte, li grandze son vouide é li vatse son partaïte,
Pâ dè vé din li beü pouo medjë le rèkô, li rêhle son vouide é li tséne inrouyâ(ye)

Le petchou boueu in lâze, mouefi pè le tin, pouer(e) din la mouerdjer'e,
Adon le kieu sé sare, dè pinsâ ké pâ mi, on bio meure dè mouodzon vindrè s'abêrâ li

Refrain : *E kan ie saraï via, te vindri mè kièri,
Mayin a sé refrîn, i saï dékoutè tè*

2. La piolète a grand pir(e), din le tin pindolâye trénâts(e) din la peüfle,
Le vieü mandze findu ékrié pè le tin, tîn pâ mi din son ouaï vènu vouor bin troua grô

Onna serpe ébrètchaye, onna ris démoutâye, tsatelâye din z'on kouïin,
Vieü z' outi satenâ pè la sieür-e di man, treste sovèni d'on pasô dé pardu

Refrain : *E kan ie saraï via, te vindri mè kièri,
Mayin a sé refrîn, i saï dékoutè tè*

3. Siètô su le vieü ban, jeste dézo le taï, ie révèye le gran prô,
Le râté kè sonâve l'odeu du fin sèyé, le mouelè l'atindrè la daraïre louaïdze

Parto uto dè mè, la dzeü mè tin soli ajitâye pè le tin,
Ie prèdj(é) di tin pasô, di vèyaye d'in le tin, dè tsanson di z'anfian é ublâye pè le tin

Refrain : *E kan ie saraï via, te vindri mè kièri,
Mayin a sé refrîn, i saï dékoutè tè*

4. N'é lasia le karnè utra la grand 'ékoule, iô ya pâ mi dè hlotse,
mi li petchou papaï, li fouey(é) kè part 'on, via son inplâye dé mèsâdze kè tè
kouegnase preü

N'é lasia mon bouoneu vê mon vieü mayin kè m'atindrè teti,
N'é lasié avoui mon kieu pouor k'on mouê tchui, li dzo onna fleu dè sé tin no bayé
son amour(e)

Refrain : *E kan ie saraï via, te vindri mè kièri,
Mayin a sé refrîn, i saï dékoutè tè
E se la via dè vouor dèvrâye troua mè lagné,
Mayin ton taï dè louze me tîndrè bîn soli*